

## Prof. dr Božidarka Arsenović



**Prof. dr Božidarka Arsenović** (rođ. Radovanović) rođena je u Priboju kod Lopara 28.11.1960. godine od oca Dušana i majke Desanke. Osnovnu školu završila je u Priboju, srednju hemijsko tehnološko-tehničku u Tuzli. Tehnološki fakultet je završila u Tuzli, 1987. godine, postdiplomske studije (odbrana magistarske teze 17.05.2002. godine) na Tehnološkom fakultetu u Banja Luci a doktorske studije na Tehnološkom fakultetu Zvornik (odbrana doktorske disertacije 26.12.2008. godine).

U svojoj profesionalnoj karijeri bila je zaposlena u “Jugoslovenskom kombinatu gume i obuće” Borovo, “Lofolen”-Viskoza Loznica, “Siporex” Tuzla, “Birač” Zvornik na odgovornim radnim mjestima u okviru struke.

U nastavi je bila angažovana u Tehničkom školskom centru u Zvorniku; Tehnološkom fakultetu Zvornik a nastavna zvanja docent doktor i kasnije vanredni profesor je dobila angažovanjem u nastavi na univerzitetu Banja Luka i Internacionalnom univerzitetu Travnik.

Danas je zaposlena u “ORAO” A.D. Bijeljina na radnim mjestima: Glavni tehnolog za hemijsko ispitivanje materijala/proizvoda; Rukovodilac Sektora kvaliteta Laboratorije za ispitivanje materijala (prema BAS/ISO/IEC 17025) i Predstavnik rukovodstva “ORAO” A.D. za EMS (prema ISO 14001).

Kao prof.dr obavlja nastavu na Internacionalnom Univerzitetu u Travniku na Ekološkom fakultetu i Fakultetu politehničkih nauka na nastavnim predmetima iz naučnih oblasti ekološko inženjerstvo i neorganska i nuklearna hemija.

Ima izdatih 6 univerzitetskih udžbenika; objavljenih i saopštenih preko 100 naučnih radova na domaćim i međunarodnim konferencijama; recenzije naučnih radova i univerzitetskih udžbenika; članstva u naučnim i stručnim organizacijama u BiH i međunarodnim asocijacijama; član je Tehničkog komiteta BAS/ TC11 Instituta za standarde, mjeriteljstvo i intelektualno vlasništvo BiH; član Republičkog zavoda za mjere i dragocjene metale Republike Srpske, kao i učesnik na deset projekata (jedan Nadzorni organ na projektu). Kao doktor tehničkih nauka ima deset licenci (4 domaćeg i 6 međunarodnog karaktera).

Danas živi u Bijeljini, supruga je, majka dvoje djece i baka petoro unučadi.